



## JU "SPORTSKO - REKREACIONI CENTAR" TEŠANJ

Adresa: ul. Patriotske lige 57      Žiro računi:  
74260 Tešanj      BBI      1412010001458751  
E-mail: [jusrctes@bih.net.ba](mailto:jusrctes@bih.net.ba)      UNICREDIT BANKA      3385502203485650  
www.dvorana-tesanj.com  
Tel/fax: 032 651-500      IDbr.: 4218543010006      PDV: 218543010006

# BIZNIS LIGA u malom nogometu 2022

- pravilnik takmičenja -

## OPŠTE ODREDBE

ORGANIZATOR: JU „Sportsko-rekreacioni centar“, Tešanj

Ovim Propozicijama se utvrđuje način organizovanja i provođenja takmičenja na sportskoj manifestaciji: „BIZNIS LIGA u malom nogometu 2022“

### **UČESNICI TURNIRA:**

- *Ekipe su sastavljene od uposlenika firmi /preduzeća/organizacija sa područja Općina: Tešanj, Doboj Jug i Usore*
- *Pravo učešća imaju ekipe sastavljene od uposlenih firme u kojoj rade. Jednu ekipu mogu sačinjavati uposlenici iz različitih firmi - najviše tri firme, ali da te firme nemaju više od 50 uposlenih, kako bi se dala mogućnost zainteresovanim iz firmi gdje je mali broj radnika, da učestvuju u ovom takmičenju.*
- *Jedna firma može prijaviti i više ekipa*

### **USLOVI ZA UČEŠĆE:**

- *Prijava uz potpis i pečat odgovorne osobe, kao potvrda o učešću sa spiskom od najviše 12, a najmanje 7 igrača.*
- *Pravo izmjene spiska igrača dogovorit će se na sastanku kapitena prilikom žrijeba*
- *Uplata kotizacije po ekipi od 400 KM sa PDV-om izvršiti na jedan od računa: Unicredit banka 3385502203485650, BBI BANKA: 1412010001458751. (Za uplaćeni iznos bit će dostavljena faktura). Prilikom uplate naznačiti „za učešće u Biznis liga 2022“*

## ORGANIZACIONI ODBOR I TAKMIČARSKA KOMISIJA

Turnirom rukovodi organizacioni odbor koji je ujedno i takmičarska komisija

### STRUKTURA TAKMIČENJA

Sistem takmičenja bit će dogovoren na zajedničkom sastanku kapitena ekipa

### TERMINI ODIGRAVANJA

- Vikendom u poslijepodnevnim terminima počevši od 08.10.2022.godine.

### MJESTO ODIGRAVANJA

Sportska dvorana SRC Tešanj

### - RUKOVOĐENJE TAKMIČENJEM

- utakmice vodi: sudija
- pored sudije koji sudi postoji još i: zapisničar, rukovaoc semaforom- vodi zapisnik, informiše javnost o rezultatima, obavještava razglasom o toku i osnovnim informacijama o utakmicama, prima žalbe, kontroliše rad semafora

## **ŽALBE**

Žalbe se najavljuju najkasnije 10 minuta poslije odigrane utakmice, a dostavljaju najkasnije 30 minuta poslije u pismenoj formi. Administrativna naknada za žalbu iznosi 20 KM. Takmičarska komisija je dužna žalbu razmotriti i odluku objaviti najdalje 2 sata poslije predate žalbe.

## **NAGRADE**

Organizacioni odbor će pripremiti nagrade (pehar, prelazni pehar, medalje...) za 1. mjesto, 2. mjesto, 3. mjesto, te po mogućnosti novčane nagrade za najbolje.

## **NASTUP EKIPA**

Ekipe nastupaju u jednobraznoj opremi, po mogućnosti sa brojevima na dresu. Boja dresova ekipa koje igraju jedna protiv druge utakmicu ne može biti ista. Opremu je dužna promijeniti ekipa koja je zvanični domaćin, odnosno ona koja je na prvom mjestu u zapisniku. Prije početka utakmice kapiten ili predstavnik ekipe je dužan prijaviti brojeve na dresovima svih igrača koji su na spisku (ukoliko imaju brojeve).

Pored 12 prijavljenih igrača i predstavnika ekipe niko ne smije biti na klupi za rezervne igrače, niti obavljati bilo kakve poslove koji su u protokolu turnira. Kapiten ili predstavnik ekipe su jedine osobe koji ovlaštene za komunikaciju za službenim licima i organizatorima takmičenja

Ukoliko je ekipa spriječena iz objektivnih razloga da nastupi na predviđenoj utakmici dužna je da do pola sata prije utakmice javi takmičarskoj komisiji razlog izostanka, kako bi komisija utvrdila novi termin odigravanja.

Ukoliko se ekipa ne javi i ne pojavi na odigravanje utakmice u zakazanom terminu, ili zakasni na odigravanje više od 10 minuta utakmica se registruje rezultatom 3 : 0 za protivnika.

Utakmica se igra 2 x10 minuta a trajanje pauze u poluvremenu je do 5 minuta.

Ekipa ima pravo u svakom poluvremenu na jedan time-out od jedne minute, kad je u posjedu lopte i to se vrijeme ne računa u igru.

Time-out može zatražiti voditelj ekipe ili kapiten kod delegata utakmice kada njegova ekipa ima loptu u posjedu.

## **POSEBNE ODREDBE**

### **PRAVILA IGRE**

- a) utakmicu igra 4 igrača + golman
- b) igrač smije vratiti golmanu loptu bez ograničenja
- c) ako lopta završi u golautu, golman ubacuje loptu u igru rukom
- d) zadnji igrač koji pravi prekršaj u sprečavanju igrača da postigne pogodak se kažnjava crvenim kartonom

- e) igrač za direktan crveni karton dobija kaznu po odluci takmičarske komisije, a najmanje dvije utakmice, a za crveni karton dobijen kao drugi žuti nema pravo nastupa na sljedećoj utakmici.
- f) Iz početnog udarca ne može se postići pogodak.
- g) Klizeći start dozvoljen je na loptu ali samo kada u neposrednoj blizini, po procjeni sudije, nema protivničkog igrača.
- h) Zavisno o vrsti situacije, sudije može dozvoliti prednost u igri.
- i) U slučaju prekršaja za napadačku ekipu, u golmanskom prostoru odbranbene ekipe, sudija će dosuditi kazneni udarac sa 6 metara - ovaj prekršaj ne ulazi u akumulirane prekršaje.
- j) Kod svih nastavaka igre, protivnički igrači moraju biti udaljeni 5 m od lopte, a kod izvođenje auta protivnički igrač mora biti udaljen minimalno 3m.
- k) Svi nastavci igre moraju se odigrati u roku od 4 (četiri) sekunde od kada je izvođač u posjedu lopte ili od znaka sudije za nastavak igre.
- l) Ubacivanje iz auta izvodi se nogom sa aut linije ili van terena.

**Dozvoljeno je 5 kumulativnih prekršaja po poluvremenu, svaki sljedeći se kažnjava slobodnim direktnim udarcem sa 10 metara**

Svaki igrač je dužan prije početka utakmice, na traženje službenih lica, predložiti lična dokumenta sa slikom (ličnu, vozačku, pasoš) radi utvrđivanja identiteta.

U slučaju prekida utakmice ili takmičenja iz bilo kojeg razloga, odluku o ishodu i posljedicama donosi takmičarska komisija.

Disciplinske kazne su opomena (žuti) i isključenje (crveni karton). Zamjenski igrač može ući nakon dvije minute. Ako ekipa koja je kažnjena sa dvije minute, primi pogodak, u tom slučaju može ući jedan igrač u teren za igru prije nego što su istekle dvije minute kazne. Ukoliko ekipa koja je kažnjena sa dvije minute postigne pogodak, neće ući igrač dok ne isteknu dvije minute.

**BILO KOJI OBLIK NASILNOG PONAŠANJA PREMA SLUŽBENIM LICIMA (pljuvanje, fizički napad, vrijeđanje itd.) ILI PROTIVNIČKOJ EKUPI JE AUTOMATSKA DISKVALIFIKACIJA SA DALJEG TAKMIČENJA NA TURNIRU.**

Sankcije za igrače takmičarska komisija dužna je objaviti najviše 24 sata nakon odigrane utakmice.

U organizaciju utakmica su uključeni, pored redovnih službenika i članova organizacionog odbora i redari koji se brinu o redu u dvorani, upućivanju ekipa o protokolu prije početka utakmice, pomoći ekipama oko snalaženja pri ulasku i izlasku iz svlačionica itd.

Takmičenje je organizovano na principu lige. Svaka ekipa igra sa svakom. Plasman ekipa se utvrđuje sabiranjem bodova. Ekipa za pobjedu dobija 3, a za neriješen rezultat 1 bod. Ekipa s najvećim brojem bodova je osvajač lige. Ukoliko dvije ekipe imaju isti broj bodova, prednost ima ekipa koja je bila bolja u međusobnom susretu. Ukoliko se na taj način ne dobije pobjednik, prednost ima ekipa sa boljom gol razlikom, s tim da prednost nosi više postignutih golova. Ukoliko 3 ili više ekipa imaju isti broj bodova pravi se tabela u koju se unose samo bodovi i golovi međusobnih duela ekipa sa istim brojem bodova. Ukoliko se ni na ovaj način ne može dobiti pobjednik, odluka se donosi ferplejom, odnosno bolje je plasirana ekipa koja je načinila manji broj akumuliranih prekršaja u dotadašnjem takmičenju.

Organizatori će se pobrinuti da se ove propozicije u cjelosti poštuju i da svi učesnici budu maksimalno zadovoljni. Isto tako učesnicima se želi puno uspjeha i sportske sreće.

Tešanj, 20.10.2022.

